

STATISTIKA TË REGJISTRIMEVE NË ARSIM

2025-2026

Arsimi Parauniversitar

Gjatë vitit 2025-2026, në arsimin parauniversitar u regjistruan 399.258 nxënës, duke shënuar një rënie prej 1,7 %, krahasuar me vitin e kaluar shkollor.

- 66.343 nxënës u regjistruan në kopshte:
 - 0,7 % më shumë të regjistruar, krahasuar me vitin shkollor 2024-25;
 - 48,3 % e të regjistruarve në kopshte janë vajza;
 - 85,8 % janë regjistruar në institucionet arsimore publike.
- 243.764 nxënës u regjistruan në arsimin 9-vjeçar:
 - 2,7 % më pak të regjistruar, krahasuar me vitin shkollor 2024-25;
 - 48,0 % e të regjistruarve janë vajza;
 - 87,6 % janë regjistruar në institucionet arsimore publike.
- 88.837 nxënës u regjistruan në arsimin e mesëm të lartë:
 - 0,4 % më pak të regjistruar, krahasuar me vitin shkollor 2024-25;
 - 47,1 % e të regjistruarve në arsimin e mesëm të lartë janë vajza;
 - 19,4 % janë regjistruar në arsimin profesional;
 - 17,2 % e të regjistruarve në arsimin profesional janë vajza;
 - 84,8 % janë regjistruar në institucionet arsimore publike.
- 314 nxënës u regjistruan në arsimin pas të mesëm jo të lartë:
 - 46,2 % femra dhe 53,8 % meshkuj.

Arsimi i lartë*

Gjatë vitit akademik 2025-2026, u regjistruan në arsimin e lartë 115.782 studentë.


- 60.558 studentë janë regjistruar në programin Bachelor:
 - 56,8 % e të regjistruarve janë femra.
- 47.916 studentë janë regjistruar në programin Master:
 - 67,6 % e të regjistruarve janë femra.

Fusha më e preferuar e studimit mbetet “Biznes, administrim dhe ligj”, ku është përqendruar rreth një e katërta e të gjithë studentëve (25,2 %). Ndër fushat e tjera të preferuara janë:

- “Shëndet dhe mirëqenie” me 22,2 %
- “Inxhinieri, prodhim dhe ndërtim” me 16,9 %


*Shënim: Të dhënat e arsimit të lartë nuk janë përfundimtare, për regjistrimet në programet e studimit Doktoraturë dhe Specializime Afatgjata, për vitin 2025-26.

FIG. 1 TË REGJISTRUAR SIPAS GJINISË DHE NIVELEVE ARSIMORE, 2025-2026 (%)



Burimi: Ministria e Arsimit, INSTAT

FIG. 2 SHPËRNDARJA NË PËRQINDJE E NUMRIT TË STUDENTËVE TË REGJISTRUAR NË ARSIMIN UNIVERSITAR SIPAS FUSHAVE, 2025-2026



Burimi: Ministria e Arsimit, INSTAT

Shënim për përdoruesit: Të dhënat e detajuara vjetore për statistikën e diplomimeve sipas niveleve arsimore dhe fushave të studimit, janë të disponueshme në databazën statistikore të INSTAT: [Statistika të Regjistrimeve në Arsim](https://www.instat.gov.al/)

Metodologjia

Nivelet e arsimit në Shqipëri janë të organizuar sipas programeve dhe të klasifikuar sipas Klasifikimit ISCED 2011, i cili përdoret ndërkombëtarisht në statistikat e arsimit, si në vijim:

- Niveli 0 - Arsimi parashkollor - çerdhe/kopshte
- Niveli 1 - Arsimi fillor ose cikli i ulët i arsimit bazë
- Niveli 2 - Arsimi i mesëm i ulët ose cikli i lartë i arsimit bazë
- Niveli 3 - Arsimi i mesëm i lartë - Gjimnaz / Profesional / Social kulturor
- Niveli 4 - Arsimi pas të mesmes, jo i lartë
- Niveli 5 - Arsimi i lartë, cikël i shkurtër
- Niveli 6 - Bachelor ose ekuivalent
- Niveli 7 - Master ose ekuivalent
- Niveli 8 - Doktoraturë ose ekuivalent

Koncepte

Arsimi zyrtar është përcaktuar si arsimi i institucionalizuar, i qëllimshëm dhe i planifikuar, përmes institucioneve publike dhe private, të njohura (liçensuara) nga autoriteti kombëtar arsimor, të cilët në tërësinë e tyre përbëjnë sistemin arsimor zyrtar të një vendi. Programet e arsimit zyrtar janë të njohura si të tilla nga autoritetet përkatëse të arsimit kombëtar, ato ekuivalente ose vartëse të tij. Arsimi zyrtar konsiston më tepër në arsimin që fillon nga klasa e parë dhe vazhdon rregullisht vit pas viti, kryesisht në sistemin pa shkëputje nga puna ose me kohë të plotë (përpara se të bëhen pjesë e tregut të punës), në atë profesional, arsimin për nevoja të veçanta dhe disa pjesë të arsimit për të rritur, shpesh të njohura si pjesë e sistemit arsimor zyrtar.

Arsimi 9 vjeçar ose arsimi bazë, përbëhet nga dy cikle: cikli i ulët ose arsimi fillor, i cili kryhet në klasat 1 deri te klasa 5 dhe cikli i lartë ose arsimi i mesëm i ulët, i cili kryhet në klasat 6 - 9. Arsimi 9 vjeçar është i detyruar, fillon në moshën 6 vjeç dhe zgjat 9 vjet. Nxënësi ka detyrimin të ndjekë arsimin bazë deri në moshën 16 vjeç.

Arsimi i mesëm i lartë përfshin gjimnazin, arsimin social-kulturor dhe arsimin profesional.

Burimi i të dhënave: Të dhënat e statistikave të arsimit 9 vjeçar, të mesëm të përgjithshëm dhe arsimit të lartë sigurohen nga Ministria e Arsimit. Ndërsa të dhënat për arsimin profesional sigurohen nga Ministria e Ekonomisë dhe Inovacionit, me periudicitet vjetor.

Të dhënat mbi statistikave të regjistrimeve në arsimin e lartë, programet e studimit Doktoraturë dhe Specializime Afatgjata, për vitin 2025-26 janë paraprake dhe subjekt rishikimi. Për më shumë referohu: <http://www.instat.gov.al/al/rreth-nesh/cilësia-statistikore.aspx/> Politika e revizionimit statistikor.

Bazuar në Udhëzim Nr. 28, datë 16.10.2023, "Për Kushtet dhe Procedurat për Transferimin nga Arsimi i Përgjithshëm (gjimnaz) në Arsimin Profesional dhe Anasjelltas", të dhënat e arsimit profesional për vitet shkollorë 2024-25 dhe 2025-26 përfshijnë dhe transferimet e nxënësve nga arsimi i mesëm i përgjithshëm në arsimin profesional gjatë tremujorit të parë të vitit shkollor.